

● 土風錄 (下)

中國風土志 叢刊

◇ 郡縣沿革

◇ 山川改易

◇ 古迹存亡

◇ 風俗演變

◇ 氣候變遷

◇ 鄙事俚語

◇ 人情掌故

◇ 城坊舊聞



清・顧雪亭編

土風錄
(下)

土風錄卷九

太倉顧張思雪亭編

書信

贈答書函曰書信案王逸少與朱處仁帖有

云往得其書信遂不取答

在十七帖中

黃伯思東

觀餘論云謂昔嘗得其書而信人竟不取報

書耳

案信人卽相如喻巴蜀檄所云信使

世俗誤以書信爲句

遂以遣書餽物爲信矣

陶隱居真誥云公至山下又遣一信見告

又帖云明旦信還仍過取反晉謝朓傳荊州
信去倚待宋書劉穆之傳卽馳信召焉又云
晨起出陌頭屬與信會南史王敬宏傳妻弟
桓靈寶遣信要令過已徐陵爲貞陽侯與王
太尉書頻遣信裴之橫處示其可否又云今
且顧東關更待來信信皆謂使人也虞永興
帖亦云事已然北周宇文護報母書云二國
分隔理無書信杜詩書信有柴胡元微之詩
遠來書信隔年聞太白題元丹邱山居詩序
云岳信頻及許爲主人則以信爲信息其來
已久

家信

家書曰家信見南史徐陵傳父摛在圍城之內不奉家信便疏食布衣

不宜不備

書信結尾多用不宜及不備字案楊德祖會臨淄侯牋末云造次不能宣備是始於漢末又漢高祖初定天下諸侯王上疏末云不宜昧死再拜則漢初且用之章奏宋君謨送荔

支與昭文相公帖尾云謹奉手狀上聞不宜
是時侍僚與宰相書猶用此二字

云云

書札中多用云云字案漢汲黯傳武帝曰吾
欲云云注猶言如此如此也李陵答蘇武書
執事者云云徐陵諫深法師罷道書卷裏云
云余無驚色若史記封禪書秦文公獲若云
云于陳倉北阪此爲衆多語與莊子萬物云

云義同

後漢蔡義傳霍光曰何謂云云師古曰云云眾語也

左沖

張萱疑耀云今人作書啓于左方之末書慎
餘左沖不詳所始程大昌攷古錄謂古人尊
賜卑者紙尾批曰與某人云慎餘等語者示
行卑不敢更有他語也思案沖者虛也卑者
上書所尊必虛其左以請批荅也卽古人書
謹空之義當由官署中嫌空字不佳故改爲

冲近則更爲美詞
曰慶餘慶長

今人札無餘紙而亦書冲

失其義矣

又王漁洋池北偶談引黃山谷

說云唐人書末云謹空謂空首也卽周官大

祝辨九擗

古拜字

中之空首注云拜而頭至手

今所謂拜手也然非左冲之義

致意

王厚齋困學紀聞謂致意字出晉書簡文帝
紀案班史朱博傳遺吏存問致意佞倖石顯

傳使人致意深自結納則前漢已有之阮元
瑜代曹公與孫權書云還書致意亦在晉史
前

畱心畱神 畱意

史記蒙恬傳惟大夫畱心顏氏家訓歸心篇
畱心誦讀任昉王文憲集序未嘗畱心漢薛
宣傳谷永疏曰惟陛下畱神攷察後漢郎覲
傳丁寧再三畱神于此畱心畱神字見此

畱意見國策樂毅遺燕王書云惟大王畱意
焉漢王尊傳太后曰陛下不畱意東方朔傳
願陛下畱意察之外戚趙后傳籍武云子無
貴賤惟畱意徐陵與陳司空書惠覽今書希
能畱意也

南史劉穆之傳謂武帝曰願
公小復畱意帝既不能畱意

請教

文字相觀看曰請教見退之五箴不請而教
誰云不欺

費心

以事煩人曰費心見杜詩費心姑息是一役
宋顏度冬至詩至節家家講物儀迎來送去

費心機

載豹隱
紀談

獻醜

以著作示人自謙曰獻醜見後漢郭后紀論
雖惠心妍狀愈獻醜焉

多謝

謝人曰多謝見漢趙廣漢傳界上亭長戲謂
湖都亭長曰至府爲我多謝問趙君師古注
多厚也言殷勤若今人言千萬問訊淵明擬
古謝諸少年相知不忠厚東坡除夜宿常州
城外詩多謝殘燈不嫌客

見成 見音現

見有曰見成庾子山五張寺經藏碑云見成

三百餘部

現俗見字

見在

卽今日見在見康成周禮橐人注弓弩矢箠
計今見在者史記齊悼惠王世家于今見在
漢書張湯傳時放見在外戚趙后傳掖庭獄
丞籍武書對牘背曰兒見在未死楚元王傳
或言父見在後漢楊震傳疏云護同產弟威
今猶見在王充論衡尚書見在者二十九篇
劉歆移太常博士書今其書見在梁書簡文

帝紀諸州見在北人爲奴婢者

金剛經現在心不可得

目下目今

見在亦曰目下見三國王基傳畏目下之戮

又程昱傳公于目下肆其姦慝車茂安與陸

雲書季甫恒在目下卒有此役晉書曹志傳

目下將見責耶

太白金陵歌目下離離長春草

目今二字

見吳草廬文集

稱呼

東坡食蜜漬生荔支詩兒女稱呼恐不經稱
呼字見此

當中

正中曰當中見李長吉詩元精耿耿貫當中
皮日休詩當中見魚眨蘇子由金山詩當中
惟一石

通共

總共曰通共見漢書原涉傳大郡二千石死

官賦歛送葬皆千萬以上妻子通共受之以
定產業

家常

陶九成詩農事年年在家常頓頓謀家常二

字見此

頓頓本杜詩頓頓食黃魚詳下一頓條

事體

事曰事體見司馬長卿難蜀父老文斯事體

大梁書裴子野傳高祖以其事體大

冷笑取笑

心不然而口微哂曰冷笑見北史崔瞻傳瞻
譏魏收云何容讀國士直此冷笑太白詩見
余大言皆冷笑李廌詩時時逢冷笑樂天詩
閒談冷笑接交親東坡詩冷笑乘槎向海灘
皆本之 偽爲稱贊曰取笑案老杜詩取笑
同學翁李端酬邱拱詩投傅聊取笑劉長卿
負謫詩獨醒空取笑五代史唐家人傳明宗

上風錄

卷七